



**KENYATAAN MEDIA**  
**TIMBALAN PERDANA MENTERI**  
**MENTERI PERTAHANAN**

**22 JULAI 2021**

**MENGENAI PELAN PEMULIHAN NEGARA (PPN) & PERINTAH  
KAWALAN PERGERAKAN DIPERKETATKAN (PKPD)**

**SOP COVID-19 di Sektor Perkilangan dan Premis Perniagaan**

Kerajaan telah mempertingkatkan penguatkuasaan secara menyeluruh dari segi pemeriksaan ke atas kilang-kilang dan premis-premis perniagaan kerana terlalu banyak pelanggaran arahan kerajaan dan SOP yang telah diwartakan.

Semalam Pasukan Task Force Operasi Pematuhan telah melaksanakan 78,604 pemeriksaan dan *snap check* COVID-19 di seluruh negara dengan jumlah kekuatan anggota seramai 17,966 orang.

Ia termasuk pemeriksaan ke atas 1,735 buah kilang, 15,285 premis perniagaan, 771 tapak pembinaan dan 266 buah asrama penempatan pekerja.

Hasil daripada pemeriksaan tersebut, sebanyak 34 premis meliputi kilang (4) dan premis perniagaan (30) diarahkan tutup kerana gagal mematuhi SOP yang ditetapkan kerajaan.

## Pelaksanaan PKPD

Sidang Khas MKN telah meneliti pembentangan oleh KKM dan setelah mengambil kira penilaian risiko serta trend jangkitan COVID-19, Kerajaan bersetuju untuk mengenakan PKPD di lokaliti-lokaliti berikut:

<b>BIL</b>	<b>Lokaliti PKPD</b>	<b>Tarikh Mula PKPD</b>	<b>Tarikh Tamat PKPD</b>
1.	Dua lokaliti di Tuaran, Sabah <ul style="list-style-type: none"> <li>• Kg Pukak, Mukim Tengah</li> <li>• PPR Gayang Ria, Mukim Berungis</li> </ul>	24 Julai 2021	6 Ogos 2021
2.	Kampung Gumandang, Kudat, Sabah	24 Julai 2021	6 Ogos 2021
3.	Kampung Lumatai Ulu, Beaufort, Sabah	24 Julai 2021	6 Ogos 2021
4.	Tiga Lokaliti di Sipitang, Sabah <ul style="list-style-type: none"> <li>• Kampung Banting</li> <li>• Kampung Kawang</li> <li>• Kampung Ulu Bole</li> </ul>	24 Julai 2021	6 Ogos 2021
5.	Tiga (3) Lokaliti di Machang, Kelantan <ul style="list-style-type: none"> <li>• Kampung Joh</li> <li>• Kampung Maka</li> <li>• Kampung Dewan Besar, Labok</li> </ul>	24 Julai 2021	6 Ogos 2021
6.	14 Lokaliti dalam daerah Temerloh, Pahang: <ul style="list-style-type: none"> <li>• Taman Bahagia</li> <li>• Taman Bahagia Indah</li> <li>• Taman Bahagia Makmur</li> <li>• Taman Bahagia Permai</li> <li>• Taman Bahagia Courts</li> <li>• Seluruh Kampung Padang Lalang</li> <li>• Taman Perumahan Sri Kemuning</li> <li>• Flat Sri Kemuning</li> </ul>	24 Julai 2021	6 Ogos 2021

	<ul style="list-style-type: none"> <li>• Taman Temerloh Jaya</li> <li>• Taman Temerloh Jaya Indah</li> <li>• Taman Temerloh Makmur</li> <li>• Seluruh Felda Lakum</li> <li>• Kampung Paya Keladan</li> <li>• Taman Keladan Indah</li> </ul>		
7.	Kompleks Penjara Bentong, Bentong, Pahang (termasuk kuarters)	24 Julai 2021	6 Ogos 2021

SOP bagi kesemua PKPD adalah sama seperti yang diumumkan sebelum ini. Maklumat lanjut boleh diakses di laman sesawang MKN di [www.mkn.gov.my](http://www.mkn.gov.my)

### **Pelanjutan PKPD**

Sidang Khas MKN juga telah meneliti pembentangan KKM mengenai situasi di lokaliti PKPD dan setelah mengambil kira penilaian risiko serta trend jangkitan COVID-19, Kerajaan bersetuju untuk melanjutkan PKPD di lokaliti-lokaliti berikut:

BIL	Lokaliti PKPD	Tarikh Tamat PKPD	Cadangan
1.	Tiga Lokaliti di Mukim Sura, Dungun, Terengganu <ul style="list-style-type: none"> <li>• Rumah Awam Kos Rendah (RAKR) Gong Pasir</li> <li>• Kampung Gong Pasir</li> <li>• Taman Maidam</li> </ul>	23 Julai 2021	Dilanjutkan dari 24 Julai 2021 sehingga 6 Ogos 2021

## **Penamatan PKPD**

Sidang Khas MKN setelah meneliti pembentangan KKM mengenai situasi semasa, Kerajaan bersetuju untuk menamatkan PKPD di lokaliti-lokaliti berikut:

<b>BIL</b>	<b>Lokaliti PKPD</b>	<b>Tarikh Mula PKPD</b>	<b>Cadangan</b>
1.	Kawasan Perindustrian Bestgrade, Pokok Sena, Kedah	10 Julai 2021	Ditamatkan pada 23 Julai 2021 seperti yang dijadualkan
2.	Kampung Mangkubau Laut, Pitas, Sabah	10 Julai 2021	Ditamatkan pada 23 Julai 2021 seperti yang dijadualkan
3.	Ladang Sabah Mas Division Segama, Lahad Datu, Sabah	10 Julai 2021	Ditamatkan pada 23 Julai 2021 seperti yang dijadualkan
4.	FELDA Umas 1, 3 & 4, Kalabakan, Sabah	10 Julai 2021	Ditamatkan pada 23 Julai 2021 seperti yang dijadualkan
5.	Fasa 4B, Taman Bukit Sepanggar, Kota Kinabalu, Sabah	10 Julai 2021	Ditamatkan pada 23 Julai 2021 seperti yang dijadualkan

## **Task Force Operasi Pematuhan**

Task Force Operasi Pematuhan yang diketuai Polis Diraja Malaysia (PDRM) telah melakukan 78,604 pemeriksaan semalam.

Ia melibatkan 4,247 Pasukan Pematuhan yang terdiri daripada 17,966 anggota bagi memantau dan menguatkuasakan pematuhan Prosedur Operasi Standard (SOP) sepanjang Perintah Kawalan Pergerakan (PKP).

Semalam, 525 individu ditahan atas kesalahan ingkar SOP. Daripada jumlah itu, seramai 449 individu dikompaun, 68 direman manakala lapan (8) lagi individu telah dijamin.

Orang ramai diingatkan untuk sentiasa mematuhi SOP yang ditetapkan dan mengamalkan kawalan sendiri dalam usaha untuk memutuskan rantaian jangkitan COVID-19.

## **Kuarantin Wajib**

Semalam, seramai 455 individu tiba di semua pintu masuk antarabangsa dan semuanya telah dikuarantin di stesen-stesen kuarantin di seluruh negara.

Secara kumulatifnya, sejak 24 Julai 2020, seramai 253,572 individu telah pulang ke tanah air dan kesemua ditempatkan di 79 hotel dan 11 Institut Latihan Awam (ILA) serta Institut Pengajian Swasta di seluruh negara.

Daripada jumlah itu, seramai 9,145 individu telah dikuarantin dan 240,962 orang dibenarkan pulang manakala 3,465 lagi dibawa ke hospital.

## **Operasi Disinfeksi COVID-19**

Semalam, sebanyak 129 operasi disinfeksi telah dilaksanakan di seluruh negara yang merangkumi 52 zon merah, zon jingga (2) dan zon kuning (5).

Operasi disinfeksi ini melibatkan 605 anggota Jabatan Bomba dan Penyelamat Malaysia (JBPM) dan 221 Pihak Berkuasa Tempatan (PBT) serta 117 buah jentera JBPM.

Secara kumulatifnya, sebanyak 33,375 operasi disinfeksi merangkumi 157 zon dilakukan sejak 30 Mac 2020. Operasi sanitasi melibatkan pusat perniagaan, kawasan perumahan termasuk Projek Perumahan Rakyat (PPR), tempat awam, pasaraya dan bangunan kerajaan.

## **Barang Keperluan Asas**

Pemantauan serta pemeriksaan oleh anggota Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) di peringkat peruncit dan pemborong mendapati bekalan makanan adalah stabil dan mencukupi.

Semalam, KPDNHEP telah membuat 823 pemantauan harian ke atas 11 jenis bekalan barangan terdiri daripada peringkat peruncit (643), pemborong (149) dan pengilang (31).

KPDNHEP juga telah melakukan 1,102 pemeriksaan khas pematuhan SOP dan daripada jumlah itu, 1,097 premis mematuhi SOP manakala lima (5) lagi dikompaun kerana tidak patuh SOP yang ditetapkan.

**Amalkan “lockdown” sendiri. Kekal di rumah dan amalkan gaya hidup sihat bersama keluarga dalam lingkungan kawasan rumah sendiri.**

Terima kasih.

**#StaySafeStayHome**

**#AmalkanKawalanKendiri**

**YAB DATO' SRI ISMAIL SABRI YAAKOB**

**TIMBALAN PERDANA MENTERI  
MENTERI PERTAHANAN**